

AUGLÝSING**um afnám reglugerðar nr. 86 24. apríl 1943, um samflot skipa.**

Reglugerð nr. 86 24. apríl 1943, um samflot skipa, er úr gildi numin.

*Samgöngumálaráðuneytið, 17. júlí 1945.***Emil Jónsson.***Gunnl. E. Briem.***130**

17. júlí

SAMÞYKKTIR**fyrir Sparisjóð Skriðuhrepps, Eyjafjarðarsýslu.****131**

27. júlí

1. gr.

Sjóðurinn heitir Sparisjóður Skriðuhrepps. Heimili hans og varnarþing er í Skriðuhreppi.

2. gr.

Til tryggingar því, að geymslufé innlagsmanna glatist ekki og sjóðurinn standi í skilum, skal sveitarfélagið, sem stofnandi hans, ábyrgjast innstæðurnar með allt að kr. 10000.00, og skal hreppsnefndin fyrir hönd sveitarfélagsins skrifa undir skuldbindingu þar að lútandi í gerðabók hreppsins. Ábyrgðin er óuppsegjanleg.

3. gr.

Stjórn sparisjóðsins er: hreppsnefnd Skriðuhrepps, og ræður hún starfsmenn og hefur umsjón með öllum framkvæmdum sjóðsins.

Birta skal í blaði því, sem flytur stjórnvaldaauglýsingar, hverjir séu starfsmenn og hverjir geti undirritað kvittanir og upplýsingar, svo að skuldbindandi sé fyrir sjóðinn. Tapist eitthvað af fé sjóðsins fyrir handvömm eða óráðvendni stjórnar, starfsmanna eða endurskoðenda, skal hlutaðeigendum skylt að bæta skaðann, og sæti þeir auk þess hegningu, eins og lög standa til um sýslunarmenn hins opinbera.

4. gr.

Stjórnendur sjóðsins og aðrir starfsmenn mega ekki sjálfir taka lán úr sjóðnum né ábyrgjast lán úr honum fyrir aðra.

5. gr.

Við sparisjóðinn skulu vera að minnsta kosti tveir starfsmenn: féhirðir og formaður. Það skal jafnan vera aðalreglan, að eigi má greiða neina upphæð nema tveir úr stjórn hans eða starfsmenn séu viðstaddir og rita þeir upphæðina tafarlaust í bækur sjóðsins. Féhirðir má veita móttöku greiðslum í sjóðinn án þess að annar starfsmaður sé viðstaddur, en þá skal hann tafarlaust rita greiðsluna inn í bækur sjóðsins. Sömuleiðis getur féhirðir greitt fé úr sjóðnum gegn ávisun formanns, þótt aðrir starfsmenn séu ekki viðstaddir. Heimilt er hreppsnefndinni að hafa þessi störf með höndum. Starfsmenn skulu ráðnir til eigi skemmri tíma en til eins árs í senn, en heimilt er stjórn sjóðsins að segja þeim upp starfinu fyrirvaralaust, ef henni virðast nægar sakir fyrir hendi. Skal formaður leggja málið fyrir lögboðaðan sveitarfund, sem fellir í því fullnaðarúrskurð.

131

27. júlí

Sérhver greiðsla í sjóðinn og úr honum skal tafarlaust rituð í dagsjóðbók og aðrar þær bækur, sem greiðsla á heima í, og einnig skal rita afborganir af lánum á hlutaðeigandi skuldabréf. Allar bækur skulu skýrt og greinilega færðar, og sé einhverri tölu breytt, skal sjást, í hverju breytingin var innifalin. Dagsetningar sé greinilega getið við hverja greiðslu.

7. gr.

Aðalfund skal halda fyrir lok marz mánaðar ár hvert, og boðar sveitarstjórnin fundinn með nægum fyrirvara. Þar skulu lagðir fram endurskoðaðir reikningar sjóðsins fyrir næsta almanaksár, ásamt athugasemdum endurskoðenda og svörum reikningshaldara, og leggur fundurinn úrskurð á þá. Aukafundi boðar stjórnin, ef ástæða þykir til. Samþykktum sjóðsins má ekki breyta, nema $\frac{2}{3}$ hlutar fundarmanna séu með breytingunni.

8. gr.

Innlög í sjóðinn skulu ekki minni en 1 króna í senn. Sem skirteini fyrir innstæðu fær hver maður viðskiptabók með sama nafni og númeri og í innstæðubók stendur og jafnframt samþykktir, ef þess er óskað. Telji sparisjóðsstjórnin skaðlegt fyrir sjóðinn að taka á móti innstæðufé, getur hún neitað því, og einnig getur hún sett hömlur á, hve mikið fé má leggja í reikning hvers einstaklings. Um eignir manna í sjóðnum verður eigi sagt öðrum en þeim, sem lögum samkvæmt geta krafizt þess.

9. gr.

Upphæð innlánsvaxta ákveður sjóðstjórnin í samræmi við gildandi lög á hverjum tíma, og skulu vextir reiknaðir að fullu og færðir í bækur sjóðsins í árslok. Í innstæðubókina skulu vextir færðir og lagðir við höfuðstólinn hjá hverjum innstæðueiganda. Vextir reiknast eftir þrítugnættum mánuðum og gjaldast minnst í einum eyri.

Í fyrsta sinn, sem viðskiptabók er sýnd eftir hver áramót, skulu vextir færðir í hana og þess þá nákvæmlega gætt, að henni beri saman við innstæðubókina. Finnist skekkjur í vaxtareikningi, eftir að fært hefur verið í innstæðubók, má eigi breyta hinum skráðu tölum, en leiðrétta skal skekkjuna þegar í stað.

10. gr.

Nú vill sá, sem fé á í sjóðnum, fá það útborgað, og skal hann þá krefjast þess með tveggja mánaða fyrirvara, nema það séu 100 krónur eða minna. Innstæðufé má aldrei greiða, nema viðskiptabókin sé sýnd, og skal þá upphæðin skráð í hana. Starfsmenn sjóðsins skulu gæta þess nákvæmlega að bera bækur sjóðsins saman við viðskiptabókina í hvert skipti, sem innstæða er hreyfð.

Það er eigi á ábyrgð sjóðsins, þótt handhafi viðskiptabókar hafi eigi haft löglega heimild frá eiganda hennar til að fá útborgað fé það, er viðskiptabókin hljóðar um, eða eitthvað af því.

11. gr.

Innstæðufé og vextir greiðast í gjaldgengri mynt eða seðlum. Greiðist innstæða að fullu, skal skila viðskiptabók aftur án endurgjalds. Glatist viðskiptabók, verður farið með hana eftir þar um gildandi lögum.

Ef eigandi að innstæðu eða erfingjar hans vitja eigi sjóðsins í 15 ár til þess að taka við vöxtum eða segja höfuðstól upp og eigi heldur innan 6 mánaða eftir áskorun

í blaði því, sem flytur stjórnarvaldaauglýsingar, er öll innstæðan ásamt vöxtum orðin eign sparisjóðsins. **131**

27. júlí

12. gr.

Innstæðufé getur sparisjóðurinn sagt lausu með þriggja mánaða fyrirvara. Skal þá gefa út auglýsingu um það í blaði því, sem flytur stjórnarvaldaauglýsingar. Eftir gjalddaga eru engir vextir greiddir af því, sem sagt var upp.

13. gr.

Ársarð af rekstri sparisjóðsins, að kostnaði og vöxtum frádregnum, skal leggja í varasjóð.

Tjón, sem sjóðurinn kann að verða fyrir og ársarður eigi hrekkur til að greiða, skal greiðast úr varasjóði, en eigi má greiða þaðan annað, nema varasjóður sé 10% af sparisjóðsinnstæðufénu samanlögðu. Þegar svo er komið hag varasjóðs, getur stjórnarráðið samþykkt samkvæmt tillögum sparisjóðsstjórnar að verja megi fé úr sjóðnum til almennra þarfa í héraðinu.

14. gr.

Varasjóður skal vera í tryggum, auðseldum verðbréfum eða inneign í banka, sem er ríkistryggður. Þó er eigi skylt að koma meiru af varasjóði svo fyrir en 5% af samanlögðu innstæðufé sjóðsins, eins og það var í árslok næst á undan.

Eigi má gripa til þessa fjár nema nauðsyn krefji, og skal þá svo fljótt sem verða má koma því í lag aftur.

15. gr.

Eignir sjóðsins skal ávaxta:

- a. með því að kaupa ríkisskuldabréf eða önnur slík verðbréf;
- b. með því að lána fé til einstakra manna gegn veði í fasteign og þó aldrei yfir 60% af fasteignamati eða öðru mati, sem lögskipaðir matsmenn framkvæma. Sjálfskuldarábyrgðarlán má því aðeins veita til lengri tíma en eins árs, að þau séu afborgunarlán með árlegri afborgun, og sé þeim að fullu lokið innan 10 ára frá lánveitingu;
- c. með því að kaupa víxla, sem stjórn sjóðsins telur tryggja;
- d. á hvern annan hátt, er stjórn sjóðsins telur heppilegt.

16. gr.

Sparisjóðurinn áskilur sér forvexti af lánum. Verði vanskil á vöxtum, greiði skuldunautur 1% árlega dráttarvexti um þann tíma, sem dregið hefur að borga fram yfir gjalddaga.

17. gr.

Aldrei má veita lán úr sjóðnum, nema meiri hluti stjórnarinnar sé því samþykktur og ákveði lánshámark.

Sparisjóðurinn skal ætíð eiga $\frac{1}{10}$ hluta af innstæðufénu í ríkistryggðum banka eða auðseldum verðbréfum. Komi það fyrir, að stjórn sjóðsins neyðist til að gripa til þess fjár, skal það lagfært svo fljótt sem mögulegt er, og ætíð skal það gert innan tveggja mánaða. Verðbréfaforða sjóðsins má eigi skerða, nema meiri hluti sparisjóðsstjórnar sé því samþykktur. Ef verðbréf, sem sjóðurinn á, hljóða á handhafa, skulu þau skráð sem eign sjóðsins.

18. gr.

Aldrei má sparisjóðurinn taka lán, nema öll stjórn sparisjóðsins sé því samþykkt. Ef sjóðurinn veðsetur verðbréf sín, skal það greinilega skráð í bækur sjóðsins, hverjum bréfin séu veðsett, og einnig skulu vera í vörzlum sjóðsins fullgild skirteini frá lánveitanda fyrir geymslu veðsins.

131
27. júlí

19. gr.

Eigi má sparisjóðurinn gefa út handhafaávisanir á sjálfan sig.

20. gr.

Reikningsár sjóðsins er almanaksárið, og skulu reikningar endurskoðaðir lagðir fyrir sveitarfund til samþykktar fyrir lok marzmanaðar ár hvert.

21. gr.

Reikningur sparisjóðsins skal gerður samkvæmt fyrirmynd, sem sparisjóðseftirlitið setur á hverjum tíma.

22. gr.

Semja skal við hver árslok skrá yfir inneign allra innstæðueigenda, ásamt vöxtum. Skal tala viðskiptabóka nákvæmlega sjást á skrá þessari. Einnig skal semja skrá yfir öll lán, sem sjóðurinn á útistandandi, hverju nafni sem nefnast, og skal þá sjást greinilega, hvað er fasteignaveðlán, sjálfskuldarábyrgðarlán og víxlar. Gjaldalagi allra lána skal sjást, og fyrir hvaða tímabil vextir eru greiddir, einnig hvernig víxilréttar hefur verið gætt. Á skráum þessum skal geta nafns hvers lántakanda og einkennistölu. Loks skal semja skrá yfir allar aðrar eignir sjóðsins, svo og yfir skuldir þær, sem hann er í við aðra.

23. gr.

Skyllt er sparisjóðnum að hafa reikningana í því formi, sem fyrirmyndir stjórnarráðsins sýna.

24. gr.

Til að rannsaka reikninga sjóðsins og bókfærslu alla skal sýslunefnd Eyjafjarðarsýslu kjósa 2 endurskoðendur með hlutfallskosningu til eins árs í senn og tvo varaendurskoðendur.

Endurskoðendur má endurkjósa.

Tilkynna skal sparisjóðseftirlitinu, hverjir séu kosnir endurskoðendur sparisjóðsins.

25. gr.

Skyllt er endurskoðendum að rannsaka sjóðforða sparisjóðsins og verðbréfaeign að minnsta kosti misserislega, og einnig hafa þeir aðgang að öllum bókum, skjölum og öðrum verðmætum sjóðsins, hvenær sem þeim þykir nauðsyn til bera.

26. gr.

Endurskoðendum er skyllt að gæta þess, að öll bókfærsla sparisjóðsins sé í lagi og allra fyrirmæla þar um sé nákvæmlega gætt. Skulu þeir benda á, ef eitthvað er athugasemjulegt, svo að úr því verði tafarlaust bætt.

27. gr.

Ársreikning sjóðsins skulu endurskoðendur rannsaka strax eftir að hann er saminn og rita síðan vottorð á hann um, að endurskoðun sé lokið. Reikningurinn með athugasemdum endurskoðenda skal síðan lagður fyrir aðalfund til úrskurðar.

28. gr.

Verði ágreiningur milli endurskoðenda um reikningshald sjóðsins eða annað það, er bókfærslu sjóðsins snertir, sker sparisjóðseftirlitið úr. Eins skal farið að, ef endurskoðendur komast að raun um, að rekstur sjóðsins sé ekki að öllu leyti lögmætur og í fullu samræmi við lög nr. 69 27. júní 1941, um sparisjóði, svo og

reglugerð um sparisjóði frá 15. febrúar 1942 og önnur gildandi fyrirmæli, og stjórn sparisjóðsins bætir ekki tafarlaust úr því, sem ábótavant er. 131
27. júlí

29. gr.

Aðalfundur ákveður þóknun handa endurskoðendum fyrir starf þeirra, ef reikningar þeirra þykja ekki á rökum byggðir.

Framanritaðar samþykktir staðfestast hér með.

Viðskiptamálaráðuneytið, 27. júlí 1945.

Pétur Magnússon.

Torfi Jóhannsson.

SAMÞYKKTIR

fyrir Sparisjóð Bolungavíkur.

132
27. júlí

I. KAFLI

Um nafn, ábyrgð og stjórn sjóðsins.

1. gr.

Sjóðurinn heitir „Sparisjóður Bolungavíkur“, og er heimili hans og varnarþing í Bolungavík.

2. gr.

Ábyrgðarmenn sjóðsins eru 17 og skulu þeir allir búsettir í Hólshreppi. Þó getur ábyrgðarmannafundur veitt undanþágu í þessu efni fyrir tvo ábyrgðarmenn, ef sérstakar ástæður eru fyrir hendi. Nú fækkar ábyrgðarmönnum við andlát eða af öðrum ástæðum, og skal þá stjórnin með aðstoð annarra ábyrgðarmanna gera það, sem í hennar valdi stendur til þess að ábyrgðarmenn verði aldrei færri en 17. Ábyrgð getur eigi fallið niður nema fyrir andlát, burtflutning, missi fjárforræðis eða gjaldþrots, nema fundur ábyrgðarmanna samþykki. Samþykki ábyrgðarmannafundur þarf til upptöku nýrra ábyrgðarmanna í stað þeirra, sem úr falla.

3. gr.

Ábyrgðarmenn skuldbinda sig með undirskrift sinni undir samþykktir sjóðsins til þess að ábyrgjast, að hann fullnægi skuldbindingum sínum, og svarar hver um sig í því skyni, ef með þarf, allt að kr. 500.00.

4. gr.

Stjórn sjóðsins skipa 3 menn. Skulu 2 þeirra kjörnir á aðalfundi úr flokki ábyrgðarmanna, en einn af sýslunefnd Norður-Ísafjarðarsýslu eða hlutaðeigandi bæjarstjórn á sama tíma, og gildir kosning þeirra til eins árs. Hlutfallskosningu skal viðhafa, ef þess er óskað. Stjórnendur má endurkjósa svo oft sem vill. Þeim ábyrgðarmanni, sem gegnt hefur stjórnarstörfum samfleytt í fjögur ár, er ekki skylt að taka við kosningu, fyrr en að fjórum árum liðnum. Stjórnin kýs sér formann árlega. Deyi stjórnarnefndarmaður, kjörinn af ábyrgðarmönnum, flytji burt úr héraðinu eða falli ábyrgð hans niður á annan lögmetan hátt, skal þegar í stað kalla saman fund ábyrgðarmanna og kjósa annan í stað hans, sem eftir er af kjörtímabilinu. Deyi stjórnarnefndarmaður, kjörinn af sýslunefnd, eða verði á lögmetan hátt